



Tuhaqtitaujuqhaq

Tuhaqtitauhainnaqtukhaq

Naujaanmi nunallaan'nga-tamaanni Tiibimik ihivriugut iniktiqtuq aanniaqtailidjut

Julai 11, 2024 (Naujaat, Nunavut) – Munaqhiliqijitkut, paatnagiplugit Nunavut Tun'ngavikkut. (NTI), ihuaqtumik iniktiqtaat nunallaami tamaat tiibimik (TB) ihivriugut iniktiqtuq aanniaqtailidjut Naujaanmi.

Ihivriuqtaujaami munarhitkunni pidjataujuq Qitiqqautijuq 15, 2024 mi kiudjutigiplugu amigaingnia TB nunallaami. Imaruqtirvia 19, 2024 mi, Minista Munarhiliqijitkunnut John Main, NTI An'ngijuqqaq Aluki Kotierk, NTI Atanilluaq Titiqqiviliqidjutinut June SHappa, Tugliujuq Ministamun Munarhiliqijitkunni Megan Hunt, Atan'ngujaukaffuktitauihimajuqlu Inungni Aanniaqtailinirmun Havaktia, Dr. Ekua Agjemanga katimaqatigijait Naujaanmi Hamlatkut Katimajiit uqautigiumaplugu iniktigutaa nakuujumik ihivriugut, unnulihaaliqtumilu nunallaami niripkaijut.

“Qujagijumajatka hamlatkut tun'ngahuktittingmatigun,” uqaqtuq Minista Main. “Ilitturiumajatkalu ikajuqpiarmata paatnavut, Inungnut Aanniaqtailinirmun Kivraqtuuji Kanata Nunaqaqqaarhimajutlu Kivraqtuujit Kanata, munarhitkut ikajuqtiitlu havaktinut, talvulluarlu nunallaaq takudjutingmata qanuqtun pivaktut atauhiutun ipluta nakuutqiamun ihumagipltu – aannialaqittaaqtut naunaiqhitiqjavut qilamik munariplugitlu inuuhirittiarniqhaitigun Nunavut.

“Quviagijatka tuhaagapkit hamlatkunni katimajiit munarhitkut iniktirutaat nakuujumik, “uqaqtuq An'ngijuqqaq Kotierk. “Qujagijumajatka quviahuutigilugitlu nunallaangmiutat Naujaanmi atauttimunggaqhutik havaqatigiiqtut piigumaplugu TB nunamingni Nunavunmilu.”

Hivituniani 6-ni havainiinni aulapkaidjutainni, munarhitkut nakuujumik iniktirutijut ihivriuqhutik 892 inungnik, naavjaqhugu 90 pusan munarhitkut tikiutijumaplutik ihivriugumaplutik 1000 inungnik. Atauttimun 31ngujun takunnaittumik aanniaqtun TB mik naunaiqtaujuq paqittigaluaqhutik ikittunik aanniarutiqagtunik. Una iniktirutaa

ihuaqtumik pipkaijuq munarhinut pilutik qilamik naunaiqhijaami aanniaqtailijaamilu
huliviqhainnut, an'ngijuamiklu anniaqtailitihainnut nunaqaqtut Naujaanmi.

###

Tuhaqtipkainikkut Uqaqvigijaqhat:

Pierre Essoh
Tuhaqtipkainirmut Ajuittuq
Munaqhiliqijitkut
867-975-5712
PEssoh@gov.nu.ca

Ivaluarjuk Merritt
Aulapkaiji Tuhaqtipkaijini
Nunavut Tunngavikkut Inc.
media@tunngavik.com

ᐱᑭᑦᑲᑦᑲᑦ ᐱᑭᑦᑲᑦᑲᑦ ᐱᑭᑦᑲᑦᑲᑦ ᐱᑭᑦᑲᑦᑲᑦ ᐱᑭᑦᑲᑦᑲᑦ ᐱᑭᑦᑲᑦᑲᑦ ᐱᑭᑦᑲᑦᑲᑦ www.gov.nu.ca.
News releases are available in Inuktitut, English, Inuinnaqtun and French on www.gov.nu.ca.
Tuhaqtitaujukhat hailihimajun Inuktitut, Qablunaatun, Inuinnaqtun Uviitullu uvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.